

**ՅԱՐԱՏԵՒԵԼ**

Սաղմոսերգուին համար, իր պարագան շատ պարզ է եւ յստակ. «Երկրի վրայ ալ քեզմէ գատ ո՛չ մէկուն կը բաղձամ» (Սաղմ. 73.25): Մեր հոգեւոր կեանքի ամէն տեսակ յառաջդիմութիւնը կը յատկանշուի դէպի մէկ նպատակի եւ կարիքի ձգտումով. Աստուած՝ Ինք: Հոգեւոր կեանքի մեր բոլոր յառաջդիմութիւնները պէտք է ծառայեն զԱստուած աւելի մօտէն ճանչնալու եւ սիրելու նպատակին, որպէսզի կարենանք Սաղմոսերգուին պէս ըսել. «Աստուած իմ սրտիս զօրութիւնը ու իմ բաժինս է յաւիտեան» (73. 26):

Մեր այդ հեռանկարը կը փոխէ մեր վերաբերմունքը ամէն բանի հանդէպ: Տառապանք եւ նեղութիւն կը դառնան միջոցներ՝ Աստուծոյ հանդէպ մեր ծարաւը յագեցնելու: Յոստախարութիւններ կը վերածուին միջոցներու, մեզ հետզհետէ հեռացնելով երկրային զբաղումներէ՝ աւելի Աստուծոյ հետ յարաբերութեան մէջ մընայլու համար: Նոյնիսկ մեղքը, ապաշխարութեան փորձառութեանէն ետք, մեզ Աստուծոյ աւելի մօտեցնելու ազդակի մը կը վերածուի, որպէսզի Անոր սէրն ու ներողամտութիւնը մօտէն գգանք: Բոլոր բաները բարիին գործակից կը դառնան, երբ մեր նպատակը բարձրագոյն բարութեան՝ Աստուծոյ մօտենալու համար է:

Առաքեալին պէս, մենք ալ կրնանք ըսել. «Հետամուտ եմ բռնելու զայն, որուն համար ալ բռնուեցայ Քրիստոսի Յիսուսէ» (Փիլիպ. 3.12): Ի՞նչ բանէ մղուած յառաջ կ'ընթանանք մեր հոգեւոր կեանքին մէջ: Պէտք է խոնարհաբար եւ երախտագիտութեամբ փոխադարձենք Անոր սիրոյն: Բայց ամէն բան կը սկսի Աստուծմով: Ինքն է, որ կը փնտռէ մեզ, որպէսզի մենք ալ փնտռենք Ձինք:

**ՀԱՍՑԷ.**

**ՅԱՅՏԱՐԱՐՈՒԹԻՒՆ**

**ՅԱՅՏԱՐԱՐՈՒԹԻՒՆ  
ԵՐԵՔՇԱԲԹԻ ԳԻՇԵՐՈՒԱՆ  
ՍՈՒՐԲ ՊԱՏԱՐԱԳ ԵՒ  
ՀԱՅ ՔՐԻՍՏՈՆԷԱԿԱՆ ԿԵԱՆՔԻ  
ՔՆՆԱՐԿՈՒՄ**

Կազմակերպութեամբ Կրօնական ժողովին եւ Ազգային առաջնորդարանի «ԱՅՈ» երիտասարդական յանձնախումբին, ամէն երեքշաբթի գիշեր, ժամը 7:00-8:00, Պուրճ Համուտի Ս. Վարդանանց եկեղեցոյ մէջ, սուրբ պատարագ պիտի մատուցուի:

Սուրբ պատարագը պիտի երգէ հաւատացեալ ժողովուրդը: Հոգեւոր խորհրդածութիւն պիտի կատարէ Լիբանանի հայոց առաջնորդ՝ Գերշ. Տ. Նարեկ Արքեպիսկոպոս:

Նաեւ, ամէն երեքշաբթի գիշեր, ժամը 8:00-9:00, Ազգային առաջնորդարանի «Երջօ Սամուէլեան – Եռագոյն» սրահին մէջ, Արժ. Տ. Ղեւոնդ քհնյ. Լոշխաճեան Աստուածաշունչի սերտողութիւն պիտի կատարէ մեր ժողովուրդի գաւազներուն համար:

Միտի ընթերցող, ՃՐԱԳ թերթը ամէն Կիրակի կը բաժնուի մեր ժողովուրդին, եկեղեցիներու բանկային մօտ: Նաեւ՝ Facebook-ի վրայ փնտռել «Jerak կամ ՃՐԱԳ», ապա սեղմել «Like»-ը, կարդալու կամ անդամագրուելու համար:



ՔՈՒ ԽՕՍԲԴ ԽՄ ՈՅԲԵՐՈՒՄ ԵՐԱԳ Է ՈՒ ԽՄ ԵԱԽԻՆՆԵՐՈՒՄ ԼՈՅՍ (Ս. 119.105)

ԺԲ. ՏԱՐԻ

ԿԻՐԱԿԻ, 3 ՆՈՅՄԱԵՐ 2019

ԹԻԻ 44

**ԿԻՐԱԿԻ ՕՐԵՐՈՒ ԱՍՏՈՒԾԱՇԱՀԱԿԱՆ ԸՆԹԵՐՑՈՒՄՆԵՐ**  
Ես. 22.15-25: Եփ. 1.1-14:  
**ՅԻՍՈՒՍ ՔՐԻՍՏՈՍԻ ԱԻԵՏԱՐԱՆԸ ԸՍՏ ԴՈՒԿԱՍ 8.17-21**

**ՅԻՍՈՒՍ ՔՐԻՍՏՈՍԻ ԱԻԵՏԱՐԱՆԸ  
ԸՍՏ ԴՈՒԿԱՍԻ  
8.17-21**

Չկայ ծածուկ բան մը, որ չյայտնուի եւ կամ գաղտնի բան մը, որ չգիտցուի եւ երեսան չգայ: Ուրեմն ուշադիր եղէք, թէ ինչպէ՞ս կ'ընդունիք այս խօսքերը, որովհետեւ ունեցողին պիտի տրուի, իսկ չունեցողէն պիտի առնուի նոյնիսկ այն՝ ինչ որ կը կարծէ թէ ունի:

Յիսուսի մայրն ու եղբայրները իրեն եկան, բայց խուռն բազմութեան պատճառով չկրցան իրեն մօտենալ: Լուր տուին իրեն, ըսելով. «Մայրդ ու եղբայրներդ դուրսն են եւ կ'ուզեն քեզ տեսնել»:

Յիսուս ըսաւ. «Մայրս ու եղբայրներս անոնք են, որոնք Աստուծոյ խօսքը կը լսեն եւ կը գործադրեն»:

**«Մայրս ու եղբայրներս անոնք են, որոնք Աստուծոյ խօսքը  
ԿԸ լսեն եւ ԿԸ գործադրեն»**

Վստահաբար մեզմէ իւրաքանչիւրին փափաքն է ըլլալ եղբայր Քրիստոսի: Միտիներ կարեւորը կամենալն է. եթէ կ'ուզենք Քրիստոսի եղբայրներ ըլլալ, իր կամքը պէտք է կատարենք, ահանջ պէտք է տանք Աստուծոյ ձայնը լսելու աղօթքի ճամբով: Աստուծոյ ձայնը լսելու համար պէտք է լաւապէս ճանչնանք զԱստուած Աստուածաշունչին ընդմէջէն: Աստուածաշունչը մեր ամէնօրեայ հոգեւոր սնունդի աղբիւր դարձնենք, մենք՝ որ բոլորս անոր ծարար ունինք: Կարդանք, սնանինք, այն ատեն պիտի լսենք եւ գործադրենք այն ինչ՝ որ կը պատգամէ մեզի Քրիստոս:

**ՄԱՐԳԱՐԷԱԿԱՆ ԳԻՐՔԵՐ**  
**ՊՕՂՈՍ ԱՌԱՔԵԱԼԻ ՆԱՄԱԿՆԵՐ**

**ԵՍՍՅԻ ՄՍՐԳԱՐԷԻ ԳԻՐՔԷՆ**  
22.15-25

Այսպես կ'ըսէ Տէրը, Երկնային Ձօր-  
քերու Տէրը. Գնա՛ արժուևի հազարա-  
պետ Սոմնասի դիւանը մոտի՛ր եւ ըսէ՛  
իրեն.

Ինչո՞ւ հոս եկած ես, ի՞նչ գործ ու-  
նիս հոս, որ այստեղ քեզի գերեզման  
փորել կու տաս, այս բարձունքին վրայ  
քեզի ժայռափոր դամբարան կը շինես:

Լսէ՛, ո՛վ մարդ, Երկնաւոր Ձօրքե-  
րու Տէրը քեզ այդ տեղէն պիտի հանէ եւ  
բաշխուցնուի դուրս նետէ: Պիտի առնէ  
քեզմէ պատմունանդ եւ փառքի պսակդ,  
քեզ մեծ եւ անսահման երկիր մը պիտի  
նետէ եւ հոն պիտի մեռնիս: Քու  
գեղեցիկ կառքդ անարգանքի առարկայ  
պիտի ըլլայ եւ իշխանական տունդ՝  
ոտքի կոխան:

Աստուած քեզ քու պաշտօնէդ եւ քու  
դիրքէդ պիտի հեռացնէ:

Այն օրը պիտի կանչեմ իմ ծառաս,  
Քեղկիայի որդի Եղիակիմը, եւ քու  
պատմունանդ անոր պիտի հագցնեմ,  
անոր պիտի տամ քու իշխանական  
պսակդ, եւ անոր պիտի յանձնեմ արժու-  
նի հազարապետութիւնը, որպէսզի հօր  
մը պէս կառավարէ Երուսաղէմի եւ  
Յուդայի բնակիչները:

Դաւիթի տան վերակացութիւնը ա-  
նոր պիտի տամ: Պիտի իշխէ, եւ ո՛չ ոք  
պիտի ընդդիմանայ անոր: Իր վնիւնները  
բացարձակ պիտի ըլլան. ո՛չ ոք պիտի  
կարենայ փակել ինչ, որ ինք կը բանայ,  
եւ ո՛չ ոք պիտի կարենայ բանալ ինչ, որ  
ինք կը փակէ:

Ձայն իշխան պիտի կարգեմ եւ ամ-  
բօրէն հաստատեմ պատին ամբացուած  
գամի մը պէս, եւ անիկա իր հօրը տան  
փառքը պիտի ըլլայ:

**ՊՕՂՈՍ ԱՌԱՔԵԱԼԻ ՆԱՄԱԿԸ**  
**ԵՓԵՍՍՅԻՆԵՐՈՒՆ**  
1.1-14

Ես, Պօղոս, Աստուծոյ կամօքով Յի-  
սուս Քրիստոսի առաքեալը, կը գրեմ  
Եփեսոս բնակող եղբայրներուդ, Յի-  
սուս Քրիստոսի հաւատացողներուդ:  
Թող Աստուած մեր Հայրը եւ Տէր Յի-  
սուս Քրիստոս շնորհք եւ խաղաղու-  
թիւն պարգեւեն ձեզի:

Օրհնեալ է Աստուած, մեր Տիրոջ  
Յիսուս Քրիստոսի Հայրը, որ Քրիս-  
տոսով մեզ օրհնեց երկինքի մէջ ամէն  
տեսակի հոգեւոր օրհնութեամբ: Անի-  
կա աշխարհի գոյութենէն իսկ առաջ  
մեզ ընտրած էր՝ Քրիստոսի միջոցաւ  
իրեն պատկանելու համար, որպէս  
սուրբ եւ անարատ ժողովուրդ, եւ իր  
սիրով մեզ նախասահմանեց Յիսուս  
Քրիստոսի ձեռքով իր որդիները ըլլա-  
լու, որովհետեւ ա՛յդ էր իր կամքը եւ  
ծրագիրը:

Ուստի գովեմք զինք այն փառքին  
համար, որ մեզի շնորհեց իր սիրելի  
Որդիին միջոցաւ: Արդարեւ, անո՛վ  
փրկուեցանք եւ անոր արիւնով մեր  
մեղքերուն թողութիւն գտանք: Ո՛րքան  
մեծ է իր շնորհքը, որ առատօրէն  
տուաւ մեզի՝ ամենայն իմաստութեամբ  
եւ գիտութեամբ: Որովհետեւ իր կամ-  
քին համաձայն մեզի յայտնեց շատ  
կանուխէն պատրաստ իր ծրագիրը, որ  
Քրիստոսով պիտի իրագործուի: Եւ  
այդ ծրագիրը սա է, որ երբ ժամանակ-  
ները իրենց լրումին հասնին, Քրիս-  
տոս իրմով պիտի բովանդակէ ամէն  
ինչ, որ կայ երկինքի մէջ եւ երկրի  
վրայ:

**ՍՈՒՐԲԵՐ ԵՒ ՏՕՆԵՐ**

ՍՐԲՈՑՆ՝ ՍՏԵՓԱՆՈՍԻ ՀՈՌՈՍԱՅ  
ՀԱՅՐԱՊԵՏԻՆ ԵՒ ՔԱՀԱՆԱՅԻՑՆ ԵՒ  
ՍԱՐԿԱՒԱԳԱՅՆ ԵՒ ԺՈՂՈՎՐԴՈՑՆ

*Յ-րդ դարուն Հռոմի մէջ ապրած  
քաջ առաջնորդ եղած է Ստեփանոս  
Հռոմայ Հայրապետը: 254 թուականին  
կը բարձրանայ Հռոմի աթոռին վրայ  
եւ կը զահակայէ մինչեւ իր նահա-  
տակութիւնը՝ 257 թուական:*

*Ստեփանոս Հայրապետ եղած է իր  
հօտը պաշտպանող եւ քաջալերող  
հոգեւորական մը: Ան նոյնիսկ դարձի  
կը բերէ եւ քրիստոնեայ կը մկրտէ Նե-  
մեսիոս անունով հեթանոս իշխան մը  
եւ անոր կոյր դուստրը, որ մկրտուե-  
լէն ետք կը բժշկուի եւ աչքերը կը  
բացուին: Իշխանը նոյնիսկ սարկաւազ  
կը ձեռնադրուի եւ սակայն իր ունե-  
ցած հաստատ հաւատքին համար կը  
նահատակուի կայսեր կողմէ: Այսպի-  
սով Ստեփանոս Հայրապետի զահա-  
կալութեան շրջանին բազմաթիւ  
հոգեւորականներ եւ հաւատացեալներ  
կը նահատակուին Հռոմի մէջ:*

*Օր մը, երբ Ստեփանոս Հայրապետ  
Ս. եւ Անմահ պատարագ կը մատուցէր,  
յանկարծ զինուորներ կը պաշարեն ե-  
կեղեցին եւ կը փորձեն խորտակել  
դուռը եւ ներս մտնել: Այն պահուն երբ  
Ս. Հայրապետը կը հաղորդուի եւ կը  
հաղորդէ ժողովուրդը, զինուորները  
ներս խուժելով կը նահատակեն զինք  
իր արիւնը խառնելով Ս. Հաղորդու-  
թեան սկիհին մէջ գտնուող Քրիստոսի  
սուրբ արեան: Հաւատացեալներ  
պատուով կը թաղեն զայն: Տ-րդ  
դարուն աճիւնները կը փոխադրուին  
իր անունը կրող վանքի մը մէջ եւ  
այնտեղ կը հանգչի ան այսօր:*

**ԸՆՏԱՆԻՔԻ ՍԸ ԵՐՋԱՆԿՈՒԹԻՒՆԸ**  
**ՈՒՐԿԷ՞ ԿԸ ԲԽԻ**

Ընտանիքի մը երջանկութիւնը կը  
բխի այր եւ կնոջ փոխադարձ սէրէն եւ  
հաւատարմութենէն: Սիրոյ աղբիւրը  
Աստուած է, քանզի «Աստուած սէր է եւ  
ան, որ սիրոյ մէջ կը բնակի, Աստուծոյ  
մէջ կը բնակի ու Աստուած՝ անոր  
մէջ» (Ա. Յովհ. Դ.16):

Առանց սիրոյ տիրապետութեան ըն-  
տանիքի մը միութիւնը կը խախտի: Փո-  
խադարձ սէրը վստահութիւն կը ներ-  
շնչէ այր եւ կնոջ: Սիրոյ ներկա-  
յութեան կ'անհետանան նախանձը,  
գոռոգութիւնը, հպարտութիւնը, ան-  
վայել վարմունքը, անձնասիրութիւնը,  
գրգռութիւնը, չարութիւնը եւ անի-  
րաւութիւնը: Սէր եղած տեղը կը  
գորանայ հաւատքը եւ կը շողայ յոյսը՝  
փոխադարձ զիջողութեամբ, համբերու-  
թեամբ եւ երկայնամտութեամբ (Ա.  
Կորթ. ԺԳ.4-7): Սէրը կը ծածկէ մեղ-  
քերու բազմութիւնը եւ կը դառնայ  
երաշխիք խաղաղութեան (Ա. Պետ. Դ.8):  
Սիրոյ շնորհիւ կը ծաղկի ընտանիքը եւ  
կը վայելէ Աստուծոյ օրհնութիւնը:

Պօղոս առաքեալ եկեղեցիներուն  
ուղղած իր թուղթերուն մէջ հաւա-  
տացեալներուն կ'ըսէ. «Ձեր ամէն բա-  
ները սիրով ըլլան» (Ա. Կորթ. ԺԶ.14):  
«Սիրով ծառայեցէ՛ք իրարու» (Գաղ. Ե.  
13): «Աստուծոյ ընտրեալ սուրբերու եւ  
սիրելիներու պէս ձեր վրայ հագէ՛ք  
գութք, ողորմութիւնը, հեգութիւնը,  
երկայնամտութիւնը, իրարու համբե-  
րելով եւ իրարու ներելով, եթէ մէկը  
միւսին դէմ տրտունջ ունենայ: Ինչպէս  
Քրիստոս ձեզի ներեց, դուք ալ նոյնը  
ըրէ՛ք, եւ այս ամէն բաներու վրայ սէրը  
հագէ՛ք, որ կատարելութեան կայն է»  
(Կող. Գ.12-14):